

kua tata ki te roo nga tau, otira kaha ke atu te hihiko o tenei iwi ki te pupuri i te Kupu a te Atua, i te 'Taro o te Oia.' Ka rite pea mo tatau tenei kupu na "Ko to mua ka whitia ki muri, ko to muri ka whitia ki mua."]

[I enei ra tata tonu, ara i te mea kua ara nei te whawhai a te Ingariri raua ko te Poa, ka haere tetahi ope hoia a te Poa ki te whenua o Kingi Kahama, ki te tohe pea kia uru ia ki te whawhai mai ki te Ingariri. Otira kaore ia i whakaae. Katahi ka tupu he kino i te Poa ki a ia. I te whawhaitanga hinga ana te Poa. Ko nga Kai-kauwhau i te Rongopai nga mema o tona paremete ara nga kai-whakahaere o tona kingitanga. — Etita.]



HIMENE.

" Kia noho te Atua ki a koe!"

1. Kia noho te Atua ki a koe,
 Mana koe e arataki.
 Mana koe e whakamaru,
 Kia noho te Atua ki a koe.

Kite ra ano! Kite ra ano!
 Ki nga wae o te Ariki
 Kite ra ano! Kite ra ano!

Kia noho te Atua ki a koe.

2. Kia noho te Atua ki a koe,
 Hipokina iho koe,
 Whangaia koe ki te taro
 Kia noho te Atua ki a koe.

3. Kia noho te Atua ki a koe,
 I nga wa o te mamae.
 Mana hoki koe e awahi.
 Kia noho te Atua ki a koe.

4. Kia noho te Atua ki a koe.
 Kia tau te rangimarie,
 I nga takiwa katoa.
 Kia noho te Atua ki a koe.

He himene poroporoaki tenei na Te Kotahitanga o Te Aute i nga hui e rua kua taha nei, he mea whakamaori mai i te reo pakcha, he himene aroha e tangi ai te tangata e mihia iho ana, " Kia noho te Atua ki a koe!"



TE WIAWHAI KI IHIPA.

Ko era atu iwi kei te noho pai noa iho, tena ko te Ingariri kaore ana noho noa iho, engari he whawhai tonu te mahi i nga wa katoa, i ia tau, i ia tau. He iwi ano pea i whakaritea mo tenei mahi, ina hoki he pera tonu ona tupuna. No nanahi tonu nei te whawhai ki Taranawara, tena ko te whawhai ki Ihipa kua toru tau e whakahaere ana inaianei. I mua atu o tenei i te whawhai tonu ki nga Matapiri o Awherika, ki nga tangata o te taha ki te raki o Iuia. He Arapi te iwi e whawhai mai nei ki te Ingariri. He iwi tino nui atu tenei te tangata. Kotahi te parekura nui o te iwi nei i mua ake nei, he maha heki nga mano i hinga. Otira i muri iho ka huihui haere ano, a ka whakaara ano i te whawhai. I te Mane te 26 o Noema ka tutataki ano nga ope e rua. He ruarua noa o te Ingariri i mate, engari te hoa-riri he tino parekura nui tona. E 9000 i mau-herehere mai i te Ingariri. Katahi pea ka tino mutu taua whawhai. I mate hoki a Kariwha (Khalifa) te tino rangatira o taua iwi, me te nuinga o ona whanaunga. He tino tangata kino a Kariwha, he tangata tukino kohuru hoki i nga mangumangu o Awherika, nui noa atu nga tangata i kohurutia e ia. Ka watea katoa ki te Ingariri te pito ki te raki o Awherika. Ki te hinga te Poa, ka riro te nuinga o Awherika i te Ingariri.



TE UTU O TE WUURU.

Tino nui atu te utu o te wuuru inaianei. Katahi ano ka taea tenei utu, mai o mua iho. I te ra whakamutunga o te makete o tenei marama, ara i te 12 o nga ra, i piki te utu o te wuuru marina me te wuuru pai ki te 16 kapa.

I te makete i tu ki Merepana i noho ki te 16 kapa mo te wuuru marina, 15½ mo te korohi-purere (cross-bred).

I te makete i tu ki Otautahi (Christchurch) Kaikoura, penei nga utu o tenei makete, ki te whakaritea ki te makete o tenei takiwa ano i tera tau :—

AHUA WUURU.	TAU 1898.	TAU 1899.
Marina tino pai	... 7½d ki te 8d	... Kaore noa iho
Marina ahua pai	... 6½d ki te 7½d	... 10½ ki te 12½
Marina ahua kino	... 5d ki te 6½d	... 8½ ki te 10d
Hawhe-purere tino pai	... 7½d ki te 7½	... 11d ki te 13½d
Hawhe-purere ahua pai	... 6d ki te 7d	... 8d ki te 10d
Hawhe-purere ahua kino	... 4d ki te 6d	... 6d ki te 7½
Korohi-purere tino pai	... 6½d ki te 7½d	... 9d ki te 10½d
Korohi-purere ahua pai	... 6d ki te 6½d	... 7d ki te 8½d
Korohi-purere ahua kino	... 4d ki te 6d	... 5d ki te 6½d
Rikini (Lincoln)	... 4d ki te 6½d	... 5½d ki te 7½d
Pere me nga Pihihī	... 2½d ki te 6½d	... 4d ki te 10d